



漢書門				
110	1110	1110	1110	1110
冊	架	函	號	類

內閣文庫	
函架	漢書

內閣文庫	
番號	漢 13010
冊數	120 (53)
函號	301 64



久瀉瘡

丹瀉瘡須先服補藥以生氣血即參芪朮歸芎為主

太劑服之外以附子末唾和作餅如錢厚艾炷灸炷

隨漏之大小便灸令微熱不可令痛乾則易之乾者

再研為末再和再灸如困則止來日再灸宜至肉平



為効亦有用附片灸者仍以前血氣藥作膏藥貼之

婁經云肉之太會為谷肉之小會為谿肉分之間

谿谷之會以行榮衛以會太氣邪溢氣壅肌熱肉敗

榮衛不行必將為膿內銷骨髓外破大臑留于節湊

必將為敗積寒留舍榮衛不養肉縮筋助肘不得伸



內為骨痺外為不仁命曰大寒留于谿谷也此用附
子灸者蓋此義也

時康祖大夫患心漏二十年當胸數竅血液長流醫
皆莫能治或曰竅多則愈損閉則慮冗他岐當存其
一二猶為上策坐此形神困瘁又積苦腰痛行則偃
僕不飲酒雖雞魚蟹蛤之屬皆不入口淳熙間通判
温州郡守韓子温見而憐之為檢聖惠方載腰痛一
門冷熱二症脉之使自擇康祖曰其年老久羸安敢
以為熱始作寒症治療取一方用鹿茸者服之逾旬
痛減更覺氣宇和暢遂一意專服悉屏他藥洎月餘

腰屈復伸無復呼痛心漏亦愈以告醫者皆莫能測
其所以然後九年康祖自鎮江通判滿秩造朝訪子
温則精力倍昔飲啖無所忌云漏愈之後日勝一日
子温書吏吳弼亦苦是疾照方服之浹旬而愈其方
本治腰痛用鹿茸去毛酥炙微黃附子炮去皮臍皆
貳兩鹽花參分為末棗肉丸三十九空心酒下天
聖中工部尚書忠肅公家有媪病漏十餘年一日有
醫過視之曰此可治也即取活鱧一竹針五七枚乃
擲鱧于地鱧因屈盤就盤以竹針貫之覆瘡良久取
視有白虫數十如針着鱧即鈴置杯中蠕動如線

復覆之又得十餘枚如是五六醫者曰虫因未盡然
餘皆小虫請以常用藥傳之時得攢榔黃連一味卽
爲散傳之明日乃以乾艾作湯投白礬末二三錢先
洗瘡口然後傳藥蓋人血氣冷必假艾力以助陽而
艾性亦能殺蟲也如是者再卽生肌不逾月愈醫曰
瘡一月不治則有虫虫能蠕動氣血亦隨之故瘡漏
不可遽洽則結毒實虫所爲又曰人每有疾經月不
痊則必虛憊婦人則補脾血小兒則防驚疳二廣則
并治瘡癰由此醫名大著 有人脚肚上生一瘡久
遂成漏經二年百藥不効自度必死一山人見之云

此鱗漏耳但以石灰二三升白沸湯泡薰洗如覺瘡
痒卽是也如其言用灰湯淋洗果痒三兩次遂乾
一婦項下忽生一塊腫漸緣至妳上腫起莫知何病
偶用刀刺破出清水一碗日久瘡不合有道人見之
曰此蟻漏也緣用飯誤食蟻得此耳詢之果然道人
云此易治但用穿山甲數片燒存性灰爲末傳瘡上
遂愈蓋穿山甲蟻之畏也 柳休祖者善卜筮其妻
病鼠瘤積年不瘥垂命休祖遂卜得願之復按卦合
得姓石人治之當獲鼠而愈也旣而鄉里有奴姓石
能治此病遂灸頭上三處覺佳俄有一鼠逕前而伏

呼猫咋之視鼠頭止有三灸處妻遂差
 梅師云經云腎移寒於脾發為癰腫少氣脾移寒於
 肝發為癰腫拘攣又云諸寒癰腫此皆安生岐伯曰
 生於八風之所變也又云地之濕氣感則害人皮肉
 筋肌聖濟云衣服過厚表易着寒所得之源大抵如
 此或發不變色或堅硬如石或捻之不痛久則然後
 變色疼痛漸奕而成膿如泔而稀久不能瘥瘡口不
 合變為疔漏敗壞肌肉侵損骨髓以致痿痺宜以此
 骨碎補丸主之
 骨碎補丸方

骨碎補

川當歸

黃芪

杜仲

白芍藥

沙參

獨活

此方與大僕方相表裏前桂枝拾遺後有木瓜兔

絲子白朮

右為末煉蜜丸空心鹽湯下

補骨脂

續斷

石斛

革解以上各貳兩

川芎

羌活

天麻各壹兩半

此方與大僕方相表裏前桂枝拾遺後有木瓜兔

絲子白朮

右為末煉蜜丸空心鹽湯下

熟地黄

石楠葉

牛膝

附子炮壹兩

兔絲子

防風

此方與大僕方相表裏前桂枝拾遺後有木瓜兔

絲子白朮

右為末煉蜜丸空心鹽湯下

元戎云邢三郎家小兒病寒疽久不愈先以四物穿山甲湯透之復以地黄當歸湯補之繼以骨碎補丸外治陽氣者精則養神柔則養筋開闔不得寒氣從之乃生太僕宜用

- 羌活
- 防風
- 細辛
- 附子
- 甘草
- 川芎
- 續斷
- 白芍藥
- 白朮
- 當歸
- 桂心
- 麻黃
- 黃芪
- 熟地黄

此方與前骨碎補丸相表裏營氣不從逆于肉理乃生癰腫陷脉為癯留連肉腠腠氣化薄傳為善畏及為驚駭

桂附丸 治氣漏諸瘡
桂心 附子 炮裂米醋中浸再
厚朴 薑製 粉草 炙 白朮 各壹兩
木香 貳錢 乳香 研貳錢

右為細末煉蜜丸如桐子大空心米飲下貳參拾丸丹溪云精要治冷漏諸瘡與桂附丸此冷只因瘡久不谷風冷乘之血氣不潮而成也厚朴雖温

其瀉衛尤速恐不若參芪佐以陳皮庶乎與病情相得此方治冷漏瘡若寒而虛者只以加味十全湯隨時令經絡加減用之為當又虛甚者宜參朮歸芪膏

陷脉散 治漏瘡及二三十年瘦癯或犬如孟孟久不瘥致有漏潰令人骨肉消盡或堅或軟或潰令人驚惕臥寐不安體中掣痛愈而復作

- 乾薑 炮
- 琥珀 研
- 大黃
- 附子 炮去皮 各壹兩
- 丹參 半 朱錢
- 石硫黃 研
- 白石英 研
- 鍾乳粉 研
- 烏鰂骨 研各 半兩

右為末貯以篋合草囊勿令泄氣若瘡濕即傳無汁即煎豬脂和傅之以乾為度或死肌不消加芒硝貳兩益佳一法胡燕窠壹枚

葉囊丹 治漏瘡

- 川芎 半兩
- 細辛 貳錢 半
- 白芷 稍 貳錢 半
- 甘草 細末

右每日作湯服上瘡食後下瘡食前看瘡孔大小用隔年黃麻根刮去粗皮槌軟撚成繩子撚入孔中至不可入則止日淺一日瘡用好膏藥貼之

攻翼子和小渠表三因強寇入家傷其兩脛外臙作瘡數

人補益

小十二

三三

年不已膿汁常涓涓然但飲冷則瘡間冷水浸淫而出延為濕瘡求治戴人曰爾中焦當有綠水二三升涎數掬表曰何也戴人曰當被盜時感驚氣入腹驚則膽傷足少陽經也兼兩外膝皆足少陽之部此膽之甲木受邪甲木色青當有綠水少陽在中焦如漚既伏驚涎在中焦飲冷水咽為驚涎所阻水隨經兩旁入瘡中故飲水瘡中水出乃上湧寒痰汗如流水次下綠水果二三升一夕而痂乾真可怪也嘗治足膝下至踝漏瘡通足腫大於好足二倍行步不全用五龍丸大下之者六番每番皆五七行下後

用黃蘗蒼朮芪芍地黃甘草升麻葛根南星半夏牛膝滑石桂調之近三四個月而安

雜考

本草治瘻有頭出膿水不止以啄木鳥壹隻燒灰酒調服壹錢匕立瘥

東垣云瘡醫自幼至老凡所經驗必須寫之嘗記疔瘻惡瘡諸藥不効者取蟬蟾煎去兩頭安瘡口上以艾炷灸之七壯一易不過柒枚無不効者又法用芻火婆蟲兒灸之同前法累驗神効人皆祕之往往父子不傳

方漏

取朽骨火疽及痔漏中有者

取黑骨雞脛骨上等砒霜實之鹽泥固濟火煨遠紅取出地上出火毒去鹽泥用骨研細飯丸如粟米大以紙撚送入孔竅內更用膏藥貼之

本事雄黃治瘡瘍尚矣周禮瘍醫凡療瘍以五毒攻之鄭康成注云今醫方有五毒之藥作之用黃整置石膽丹砂雄黃礬石磁石其中燒三日三夜其烟上着以雞羽取之以注創惡肉破骨則盡出楊大年嘗記其事族人楊偶年少時有瘍于頰連齒輔車外腫若覆甌肉潰出膿血不輒吐之痛楚難忍療之百方彌久不瘥人語鄭法依法製藥成注之瘡中少頃取

朽骨連兩牙潰出遂愈信古方攻病之速也黃整即瓦盒也

諸瘡口方

豬骨膏 治諸瘡口氣冷不瘥

豬筒骨 貳箇 取髓 松脂 貳錢通一 明者研 乳香 另研

黃連 去鬚 為末 白芨 研末 各 鉛丹 別研

黃蠟 各半 兩

右搗研熔蠟和為膏不拘時傅之

附子散 治冷瘡日夜發歇疼痛

附子 半兩炮 去皮臍 川椒 去目 雄黃 細研 各 貳錢半

白礬 柴錢半 火煨研 膩粉 貳錢 研

雄黃散 治冷瘡煖瘡口

雄黃 研

百合

乳香

黃檗 炙去粗皮

墙上爛白蜆殼 小蚌蛤子 是各壹分

右為細末研勻先用漿水煎甘草柳枝湯温洗拭乾傳之

黑靈散 治漏瘡

牡蠣粉

號丹

硫黃 研各壹分

露蜂房 剉貳分

右同炒令烟盡為細末入髮灰壹分麝香少許和

勻傳之

馬齒莧膏 治一切瘻

馬齒莧 陰乾

臘月燭燼 各等分 一作臘月鼠灰

右為細末以臘豬脂和先以温泔清淨洗拭乾然後以藥傳之日三

治脇下生漏瘡如牛眼之狀膿水不止

右以鹽少許安白牛耳內然後取牛耳中垢以傳瘡上即瘥如不用鹽即牛耳不痒難取垢

治諸瘡久不合口用炮附子去皮尖為細末唾津和隨瘡大小作餅置患處用艾壯於餅上灸之更服

口欲方

神應膏

大補氣血藥用江西豆豉為餅多灸之亦効

膏愈之如腸毒胃毒為丸服之神効

當歸 壹兩 壹錢

赤芍藥

大黃 各壹兩 伍錢

香白芷

官桂 各壹兩

玄參 壹兩 參錢

川續斷 壹兩 貳錢

莪朮 壹兩

生地黄 壹兩 貳錢

右九味細剉用真香油貳斤浸春五日夏三日秋七日冬十日入鍋內以文武火煎令黑色濾去渣如熟天用黃丹甘兩冷月十五兩旋旋下丹不住手攪試水中沉為度不可令婦人雞犬見如漏有

孔者以膏送入孔內外以膏攤貼之

搗榔散 治癰疽瘡癤膿潰之後外觸風寒腫炊疆

硬膿水清稀出而不絕肉腠空虛惡汗臭敗瘡邊

干及好肌不生及瘰癧瘻惡瘡浸漬不斂

口藥即木香搗榔黃連等分為末是也

治漏外寒藥

蘆甘石 童便 煨碎 牡蠣粉 右為極細末傳之

烏金散 貼惡瘡疔瘻

椽子子貳個一實黃丹一實白礬末相合定用黑俏麻皮纏了火內燒研細加麝少許洗淨瘡貼之

人編膏

小斗二

本七

東垣截疔散

治年深疔瘦瘡

黃連

麝香研另

龍腦各半

蜜陀僧

黃丹

白芨

白欵各壹

輕粉壹

右為細末和勻乾摻在紙上以膏貼之

應効散

又名托裏散

治氣瘦疔蝕瘡多年不効者

地骨皮

取只冬月

為細末每用紙捲蘸瘡

口內自然生肉更用米飲調貳錢無時服日三

治漏瘡以五倍子末和血竭末塞之

久漏瘡

足內踝上一寸灸三壯

如在生者肩井

鳩尾

針灸

肺脉微緩為痿瘦緩者多熱

癰疽所兼諸證

○渴

大法瘡瘍作渴不問腫潰但脉數發熱而渴用竹葉

黃芪湯脉不數不發熱或脉數無力而渴或口乾用

補中益氣湯若脉數便秘用清涼飲尺脉洪大按之

無力而渴用加減八味丸若治口燥舌黃飲水不歇

此丸尤妙

薛瘡瘍作渴若焮痛發熱便利調和者上焦熱也用

竹葉石膏湯腫痛發熱大便秘澁者內臟熱也用四

順清涼飲焮腫痛甚者熱毒蘊結也用仙方活命飲

瘰癧宜與登渴

小年二

三

漫腫微痛者氣血虛壅也。用補中益氣湯。若因胃火消燂而津液短少者。用竹葉黃芪湯。若因胃氣虛而不能生津液者。用補中益氣湯。若因胃氣傷而內亡津液者。用七味白朮散。若因腎水乾涸作渴。或口舌乾燥者。用加減八味丸。或先口乾作渴。小便頻數。而後患疽。或疽愈後作渴。飲水或舌黃乾硬。小便數。而疽生者。尤惡候也。苟能逆知其因。預服加減八味丸。補中益氣湯。以滋化源。可免後患。

虛者補之

丹癰疽發渴。乃氣血兩虛。用參芪以補氣。歸芩以養血。或忍冬丸。黃芪六一湯。

伍氏云。瘡作渴甚。急與神仙追毒丸。取下惡毒。清腫湯。千金漏蘆湯。五香連翹湯。六味車螯散。萬金散。皆可選用。利後仍渴。却用生津補氣藥。津液生氣血完。渴自止。丹溪曰。大渴而與利藥。非明示脈證。何以知其當下。後言利後仍渴。却用補藥。又不明言脈證。恐是但有天渴必下。下後尚渴。方與補藥。古人治未病。如此用藥。可乎。况渴屬上焦。當腫瘍時。猶或可用。若潰瘍後。渴多。因氣血之虛。何待利後。方議其虛也。精要口乾與口渴不同。不宜用丹藥。鎮陰用之。其禍如反掌。用桑枝煎五味湯。以救陰水。丹溪曰。此妙。

直魚症渴

小科二

七

方也而不言食味起火怒氣生火房勞激火吾恐渴亦未易除也

李氏云病疽愈後發渴多致不救惟加減八味丸最妙蓋癰疽多因虛而得疽安而渴者服此丸則渴止安而未渴者服此丸永不發渴或未疽而先渴者服此不惟渴止而疽亦不作 薛氏曰前證屬腎水枯涸虛火上炎口乾作渴飲水無度或舌黃作裂小便頻數或痰氣上壅煩躁不寧或二三年先作渴飲水或口舌生瘡兩足發熱痰氣上壅或瘡愈三四年而口乾作渴小便頻數急用前藥多有復生者能逆知

其因預服前丸可免此患若兼手足厥冷真陽虛也宜服八味丸大凡瘡後審其腎水不足用加減八味丸中氣虛弱用補中益氣湯氣血虛弱用十全大補湯陽氣虛寒加薑桂如不應用八味丸托裏消毒散加減法 飲冷作渴熱毒也加赤小豆知母如不應暫用竹葉黃芪湯 善食作渴胃火也加石膏山梔天花粉如不應暫用竹葉石膏湯 食少體倦作渴胃氣虛也去芷翹金銀花加人參白朮如不應暫用補中益氣湯 膿多而作渴氣血虛也去三味加熟地黃五味子 如不應暫

用十全大補湯加五味子麥門冬口乾舌燥腎氣虛也去三味加熟地黃山茱萸山藥如不應兼六味丸又不應佐以補中益氣湯自汗內熱口乾胃氣虛也去三味加參芪歸木如不應暫用六君子湯盜汗內熱口乾陰血虛也去三味加熟地黃麥門冬五味子如不應暫用當歸六黃湯竹葉黃芪湯神秘治癰疽大渴發熱或瀉或小便如淋

生地黄 各貳錢 當歸 酒拌
淡竹葉 川芎 甘艸 炙

黃芩 炒

白芍藥 炒

人參

括蔞根

石膏

煨各壹錢

麥門冬

去心貳錢

水貳鍾薑叁片煎八分食遠服

薛氏曰前證乃七惡中之一也此方治之其功甚捷亦有左手脉浮大而熱或渴者宜發散表邪右手脉沉實而熱或渴者宜疎去內邪若潰後作渴或小便如淋或脉大而無力者屬氣血虛也宜大補氣血亦有潰後熱不止或作渴遂以為敗證不治若素有胃火或胃經熱毒未盡胃脉尚數者仍宜服前湯服而脉反大熱愈甚渴愈作斯為敗證

蓋因真氣虛而邪氣實也今之潰瘍畏石膏黃芩
二藥性冷多不肯服若胃脉未靜非此藥莫能治
也若因循日久煎熬氣血膿血愈多氣血愈虛反
成敗證矣治者當捨證從脉可也大抵瘡瘍之證
七惡內見一二惡甚可畏虛中見惡證者不治實
證無惡候者自愈

托裏黃芪湯 治證同前

黃芪

炒陸錢

甘草

炙

括婁根

各壹錢

水貳鍾煎捌分頻服之加入人參壹錢尤妙
薛氏曰愚用此方治氣虛作渴甚效若氣血俱虛

或膿血大泄作渴或兼發熱者宜托裏養榮湯
托裏養榮湯

人參

黃芪

炙

當歸

酒拌

芍藥

炒

熟地黄

麥門冬

去心

川芎

白朮

各壹錢

五味子

研

炙甘草

各伍分

水貳鍾薑叁片棗貳枚煎捌分食遠服

黃芪六一湯 常服終身可免癰疽實治渴補虛之

要劑也

綿黃芪

陸兩用淡鹽水潤飯上蒸焙乾

甘草

壹兩一分

每剉壹兩水貳鍾煎捌分食遠服 或為細末每服貳錢早晨日午白湯調服 加人參尤妙
七味白朮散 治胃氣虛或因尅伐或因吐瀉口乾作渴飲食少思

白朮

茯苓 去皮

人參 各米錢

甘艸 炙壹兩

木香 貳錢

藿香葉 半兩

葛根 壹兩

右為細末每服叁伍錢白湯調下

竹葉石膏湯

治癰疽胃火盛腫痛作渴

淡竹葉

石膏

桔梗

木通

薄荷

甘草 炙

右薑水煎服

玄參散

治癰疽成膿水不能下食心煩口乾煩渴

飲水多四肢羸瘦

玄參

黃連 去鬚

土瓜根

麥門冬 去心

赤芍藥

白鮮皮 各壹兩

升麻 米錢半

火麻仁

川朴硝

川大黃 剉炒各壹兩半

右剉每服叁錢水壹中盞入生地黄壹分細切同煎至陸分去滓不拘時溫服

葛根散

治癰腫熱盛口乾煩渴或時乾嘔

葛根

黃芪

升麻

麥門冬去心

瓜蒌根

赤芍藥

梔子仁

生地黄

黃芩米錢半

甘草生用半兩

右剉每服肆錢水壹中盞煎陸分去滓無時溫服

乾葛飲 治發背作渴

黃芩

朴硝各壹兩貳錢半

乾葛壹兩

右剉散每服叁錢用枇杷葉去背上白毛淨洗同煎不拘時服

忍冬丸 治渴疾既愈預防發疽先將忍冬草入瓶

內後入無灰酒微火煨一宿取出晒乾少加甘草俱為末又以所浸餘酒調糊丸如梧桐子大每服陸柒拾丸溫酒下又治五痔諸瘻

桑枝方大治口渴取嫩桑枝細切壹升炒以水參升煎壹升日服五七劑更多尤妙抱朴子云療風痺乾燥臂痛脚氣四肢拘攣上氣眩暈又服補肺消食利小便輕身聰明令人光澤其功不能盡述薛氏曰桑枝補血氣生津液輕身明目補肺腎之良劑也

五味子湯 治腎水枯涸口燥舌乾

瘧疾無功
外和

黃芪 炒參兩 人參 貳兩 五味子

麥門冬 去心 各壹兩 粉甘草 伍錢

每服伍錢水煎日夜服五七劑

薛氏曰此方乃六一湯生脉散之複方滋化源之

良劑若腎水既涸虛火上炎而口燥作渴者須佐

以加減八味丸

加減八味地黄丸

懷慶地黄 肥火沉承者酒洗淨礬益盛之大砂

鍋內竹棒架起湯浸過盆底原蓋蓋

之濕紙糊縫勿令泄氣以火從巳至酉蒸之候

冷取出晒極乾稱准捌兩重再如前法蒸之乘
乾山藥 山茱萸肉

五味子 各肆兩 牡丹皮 白茯苓

澤瀉 酒浸蒸焙 各叁兩 肉桂 貳兩

右各另為末入地黄和勻加煉蜜丸如梧桐大每

服柒捌拾丸空心食前白湯下

李氏曰一貴人病疽未安而渴作日飲水數升予

用前方諸醫大笑云此藥若能止渴我輩不復業

醫矣仍用木瓜烏梅百藥煎等渴愈甚不得已用

此丸三日渴止久服氣血益壯飲食加倍

○嘔

大法精要云嘔逆有二證一證謂初發不曾服內托

卷二且集登 嘔

散伏熱在心一證謂氣虛脾氣不正其伏熱在心者
與內托散三兩貼氣虛者宜嘉禾散有寒熱宜正氣
散兼與山藥丸以補腎丹溪曰諸逆衝上嘔噦皆
屬於火內托散性涼固有降火之理若嘉禾散補力
已少徒溫煖以助火耳山藥丸補腎以壯下焦之陰
粗為近理然治嘔須分先後腫瘍時當作毒氣上攻
治之潰瘍後當作陰虛治之若年老因疽潰後嘔逆
不食者宜參芪白朮膏峻補取効佐使藥隨時隨證
加減恐用山藥丸緩急未易得力河間謂瘡瘍嘔者
濕氣侵胃也藥中宜倍加白朮

薛瘡瘍作嘔不可泥於毒氣內攻而槩用敗毒等藥
如熱甚熾痛邪氣實也仙方活命飲解之作膿熾痛
胃氣虛也托裏消毒散補之膿熱脹痛氣血虛也先
用托裏散後用針以泄之熾痛便秘熱蘊於內也內
疎黃連湯導之若因寒藥傷胃而嘔者托裏健中湯
胃寒少食而嘔者托裏益中湯中虛寒淫而嘔者托
裏溫中湯肝木乘脾上而嘔者托裏抑青湯胃脘停
痰而嘔者托裏清中湯脾虛自病而嘔者托裏益黃
湯鬱結傷脾而嘔者托裏越鞠湯若不詳究其源而
妄用攻毒之藥則腫者不能潰潰者不能斂矣丹溪

雖曰腫瘍當作毒氣攻心治之潰瘍當作陰虛治之亦大槩之言耳今之熱毒內攻而嘔者寡脾胃虛寒而嘔者多豈可膠柱而鼓瑟哉 又曰欲嘔作嘔或外探內服寒涼或痛甚或感寒邪穢氣而嘔皆胃氣虛也托裏消毒散去三味加藿香倍參朮
熱盛脈數精要與漏蘆湯單煮大黃湯等若不甚熱脈緩弱只投五香連翹湯 丹溪曰熱盛脈數若腫瘍時藏府祕而體實者猶可與也若潰瘍膿血出多熱盛脈數去死為近豈可下乎緩弱之脈古人皆以為邪毒已散五香之飛走升散其可用乎

貫瀉

李氏云癰疽嘔逆是毒氣衝心非脾胃之冷當服內托散楊氏云鼻衄初愈不曾表汗毒在經絡則背發大疽自肩下連腰脇腫硬如石其色紫黑以涼藥投之終夜大嘔連進內托散嘔止瘡潰赤水淋漓四十日而愈又有患癰者痛過徹嘔服此即止今有病疽不服此藥者故引楊氏之言以解世人之惑
丹溪治一老人年七十患背疽徑尺餘已雜與五香十宣數十貼膿血腥穢嘔逆不食者旬餘病人自服內托散膈中不安且素有淋病三十年今所苦者淋之痛與嘔吐不得睡而已急以參芪歸朮煮膏以牛

虛補

膝湯入竹瀝飲之三日後盡藥壹斤半淋止思食七日後盡藥四斤膿自涌出而得睡又兼旬而安一男子年六十餘性好酒肉背疽見膿嘔逆發熱蓋其得內托十宣多矣醫以嘔逆於嘉禾散中加丁香以溫胃行氣時七月大熱脈洪數有力予因謂此脈證在潰瘍尤忘然形氣實只與人參膏和竹瀝飲之盡藥十五斤竹百餘竿而安予曰此病幸安也不薄味必再作仍厚味自若夏月醉後坐水池中又年餘左脇傷生一軟塊如餅二年後軟塊為疽本人見膿血淋漓而脈洪數有力又嘔逆食少遂自以人參膏入

竹瀝飲之又十餘斤百餘竿而安今八十歲強健如舊此病兩以老年氣血弱專服人參竹瀝而愈若與內托十宣恐未能若是之安全也 婁全善治一男子腫瘍嘔諸藥不止用獨參湯一服嘔即愈

薛新甫治一人腹癰炊痛煩躁作嘔脈實河間云瘡瘍者火之屬須分內外以治其本若脈沉實者先當疎其內以絕其源又云嘔噦心煩脈沉而實腫硬木悶或皮肉不變邪氣在內宜用內疎黃連湯治之遂用前湯通利二三行諸證悉去更以連翹消毒散而愈 一人患臂毒炊痛作嘔服托裏消毒藥愈甚以

涼膈散二劑頓退更以四物湯加苓連四劑而消
新甫又治一人年踰四十患發背已潰忽嘔而瘡痛
胃脉弦緊彼以為餘毒內攻東垣云嘔吐無時手足
厥冷臟腑之虛也丹溪云潰後發嘔不食者濕氣侵
於內也又云膿出而反痛此為虛也今胃脉弦緊木
乘土位其虛明矣欲以六君子湯用酒炒芍藥砂仁
藿香治之彼自服護心散嘔愈甚復邀治仍用前藥
更以補氣血藥兩月而愈大抵濕氣內侵或感穢氣
而作嘔者必喜溫而脉弱熱毒內攻而作嘔者必喜
涼而脉數必須辨認明白

橘半胃苓湯治灘疽嘔吐不下食不知味

橘紅

半夏

蒼朮

白朮炒

厚朴

甘草多

茯苓

人參

澤瀉

茅根

薑汁

水貳鍾煎壹鍾入薑汁煎一上沸作十餘次飲之

薛氏曰前證七惡中之五惡也用此方後胃氣將
醒宜用六君子湯兼服之亦有煩躁飲冷不食脉
沉實而嘔者恐不可用此宜內疎黃連湯腫瘍方見
加減托裏消毒散治瘡癤欲嘔作嘔或外搽內服

寒涼或痛甚或感寒邪穢氣而嘔皆胃氣虛也去

白芷連翹金銀花加參朮藿香方見腫瘍

托裏健中湯 治瘡瘍元氣素虛或因涼藥傷胃飲

食少思或作嘔瀉等證

人參

白朮

茯苓

半夏

炮薑

炙甘草

黃芪壹錢五分

肉桂叁分

右薑棗水煎服

托裏益中湯 治中氣虛弱飲食少思或瘡不消散

或潰而不斂

人參

白朮

陳皮

半夏

茯苓

炮薑

木香

炙甘草

右薑棗水煎服

托裏抑青湯 治脾土虛弱肝木所侮以致飲食少

思或胸膈不利等證

人參

白朮

茯苓

半夏

芍藥

柴胡

甘草

陳皮

右薑棗水煎服

托裏清中湯 治脾胃虛弱痰氣不清飲食少思等

證

人參

白朮

陳皮

茯苓

半夏

桔梗

甘草

右薑棗水煎服

托裏益黃湯 治脾土虛寒水反侮土以致飲食少

思或嘔吐泄瀉等證

人參

白朮

陳皮

茯苓

半夏

炮薑

丁香

炙甘草

右薑棗水煎服

托裏越鞠湯 治六鬱所傷脾胃虛弱飲食不思等

證

人參

白朮

陳皮

半夏

山梔

川芎

香附米

蒼朮

炙甘草

右薑棗水煎服

人參理中湯 治瘡瘍脾胃虛寒嘔吐泄瀉飲食少

思肚腹作脹或胸膈痞結飲食不入

白朮

人參

乾薑

甘草各等分 右薑棗水煎服

○痛

夫瘡瘍之證候不同寒熱虛實皆能為痛止痛之法殊非一端世人皆謂乳沒可以止痛殊不知因病制宜自有活法故因熱而痛者以寒涼之劑折其熱則痛自止也因寒而痛者以溫熱之藥熨其寒則痛自除也因風而痛者除其風因濕而痛者除其濕燥而痛者潤之塞而痛者通之虛而痛者補之實而痛者瀉之膿鬱而閉者開之惡肉侵潰者引之陰陽不和者調之經絡滯澁者利之憂愁者遠志酒飲之虛寒

而痛者乳香沒藥止之六抵癰疽不可不痛不可大痛若大痛悶亂者危 薛新甫云瘡瘍之作由六淫七情所傷其痛也因氣血凝滯所致假如熱毒在內便秘而作痛者內疎黃連湯導之熱毒熾盛焮腫而作痛者黃連解毒散治之不應仙方活命飲解之瘀血凝滯而作痛者乳香定痛散和之作膿而痛者托裏消毒散排之膿脹而痛者針之膿潰而痛者補之若因氣虛而痛四君加歸芪血虛而痛四物加參芪腎虛而痛六味地黃丸口乾作渴小便頻數者加減八味丸此皆止痛之法也

經直經正痛 小斗二

托裏消毒散加減法 若高腫焮痛熱毒也加黃連
 漫腫微痛氣虛也去金銀花連翹加參朮 腫赤
 作痛血凝滯也加乳香沒藥如不應暫用仙方活
 命飲 膿出反痛氣血虛也去金銀花連翹白芷
 加參芪歸地 漫腫不痛或肉死不潰脾氣虛也
 去三味加入參白朮如不應加薑桂更不應急加
 附子
 癰疽膿血大泄敗臭痛甚宜用黃芪人參湯
 黃芪人參湯
 人參 蒼朮 白朮
米泔浸炒

涼

陳皮 麥門冬 當歸
去心 酒拌
 神麴 甘草 五味子
炒 炙 炒 各壹錢
 黃芪 黃檗 升麻
炙 炒 各肆分
 作一劑水貳鍾薑叁片棗貳枚煎捌分食遠服
 薛按前證七惡中之二惡也宜此方治之亦有潰
 後虛而發熱或作痛少寐尤效若痛少止大便不
 實黃檗麥門冬可不用蓋恐寒中也凡瘡膿潰之
 後若脉洪大則難治自利者不治
 癰疽大痛不止宜用加味解毒湯
 加味解毒湯

癰疽疔毒

小斗十二

黃芪鹽水拌炒

黃蘗炒

甘州炙

黃連炒

連翹

白芍藥

黃芩炒

當歸酒拌各

梔子仁炒各壹錢

作一劑水貳鍾煎捌分服之藥下痛即止
按此方若脉洪大按之有力者用此解之其功甚
捷亦有便秘脉實而痛者宜用内疎黃連湯下之
若潰而反痛者宜用内補黃芪湯補之

補内補黃芪湯

黃芪鹽水拌炒貳錢

熟地黄酒拌

人參

茯苓

甘州炙各伍分

芍藥炒

川芎

官桂

遠志去心炒

當歸酒拌各捌分

麥門冬去心伍分

作一劑水壹鍾半薑叁片棗貳枚煎陸分食遠服

當歸和血散 治瘡瘍未發出肉痛不可忍及治婦

人產前產後腹痛

當歸貳錢

乳香半錢

沒藥壹錢半

白芍藥叁錢

右為細末每服壹錢水壹中盞煎柒分和滓温服

日二婦人酒煎瘡既發不須用瘡痒者加人參木

香婦人服之加赤芍藥

迴瘡金銀花散治瘡瘍痛甚色變紫黑者

金銀花連枝葉俱用 黃芪肆兩

甘草壹兩

右咬咀用酒壹升同入壺瓶內閉口重湯煮三兩時辰取出去滓頓服之一方無黃芪

温 郭氏定痛托裏散治一切瘡腫疼痛不可忍如少

壯氣充實先用疎利後服此藥

粟殼去蒂炒 當歸 白芍藥

川芎各半兩 乳香 沒藥

桂各參錢

右咬咀每服伍錢水煎

乳香止痛散治一切瘡腫疼痛不止

粟殼陸兩 白芷叁兩

陳皮各壹兩 乳香 沒藥各壹兩

丁香半兩

右咬咀每服參錢水壹盞半煎

乳香黃芪散治一切惡瘡癰疽發背疔瘡疼痛不

可忍者或未成者速散已成者速潰敗膿不假刀

砒其惡肉自下及治打撲傷損筋骨疼痛

黃芪去蘆 當歸酒洗 川芎

麻黃

去根節

甘草

生用

芍藥

人參

去蘆

粟殼

各壹兩 蜜炒

乳香

另研

沒藥

各伍錢 另研

陳皮

壹兩

右為細末每服叁錢水壹盞煎至米分去粗溫服

如瘡在上食後在下食前服之

人參內托散 治瘡瘍潰膿而作痛者

人參

黃芪

當歸

川芎

厚朴

防風

桔梗

白芷

官桂

紫草

木香

甘肅

右入糯米壹撮米煎服

乳香丸 治發背及一切疽瘡潰爛痛不可忍

乳香

別研

沒藥

別研

羌活

五靈脂

獨活

各叁錢

川芎

當歸

真桑豆粉

交趾桂

川白芷

白膠香

各半兩

右為細末煉蜜和丸如彈子大每服壹丸細嚼薄
荷湯送下手足損痛不能起者加草烏用木瓜鹽
湯送下

外治

乳香定痛散

治一切瘡瘍潰爛疼痛

聖直集症痛

小斗二

乳香

沒藥 各伍錢

滑石

寒水石

各壹兩

冰片

壹錢

右為細末擦患處痛即止。敷藥中加南星半夏能止痛更加蓖麻仁尤佳。

豆豉餅 治瘡瘍腫痛硬而不潰及潰而不斂并一切頑瘡惡瘡用江西豆豉餅為末唾津和作餅子如錢大厚如參文置患處以艾壯於餅上灸之乾則易之如背瘡用漱口水調作餅覆患處以艾鋪餅上灸之如未成者即消已成者亦殺其大毒如有不効氣血虛敗也。

乳香膏

治諸瘡痛久不瘥

乳香

壹兩

食鹽

松脂

杏仁

去皮尖研

生地黄

取汁

白羊腎脂 半斤

黃蠟

兩

右先熬脂令沸下杏仁地黄汁蠟

煎候臘熔盡入香鹽松枝煎以柳箒攪令勻稀稠得所磁盒盛 瘡上日三二度

又乳香膏

木鱉子

去殼

當歸

各壹兩

柳枝

貳捌寸

油肆兩

煎令

乳香

沒藥

各半兩

白膠香

明淨者肆兩同研細入

油肆兩

煎化用綿子濾之

各半兩

右煉藥鐵鈔令極淨再傾前藥油蠟在內候溫入
黃丹壹兩半以兩柳枝攪極得所再上火煎不住
手攪候油沸起住攪注在水中成珠不散為度秋
冬欲軟春夏欲堅傾在水中出火毒搜成劑收之
戴院使云有不傳藥時大痛傳即不痛有不傳藥不
痛傳之則痛蓋寒熱風濕并憂怒等氣積而內攻則
痛不禁藥拔出之故不痛也死血陰毒在中愈伏愈
深愈不覺痛藥發之於外故反痛也

○出血

薛滄蕩出血因五臟之氣虧損虛火動而錯經妄行

也當求其經審其因而治之若肝熱而血妄行者四
物炒梔丹皮苓朮肝虛而不能藏血者六味地黃丸
心虛而不能主血者四物炒連丹皮苓朮脾虛熱而
不能統血者四君炒梔丹皮若脾經鬱結用歸脾湯
加五味子脾肺氣虛用補中益氣加五味子氣血俱
虛用十全大補陰火動用六味丸加五味子天凡失
血過多見煩熱發渴等證勿論其脈急用獨參湯以
補氣經云血生於氣苟非參芪歸朮甘溫等劑以生
心肝之血決不能愈若發熱脈大者不治凡患血症
皆當以犀角地黃湯為生 翰林屠漸山年四十患

濕毒瘡疾誤用輕粉之劑虧損元氣又不能愈一日
 特睡之際診之肝脉忽洪數而有力余曰何肝脉之
 如此侵晨瘡出黯血三四碗體倦自汗雖甚可畏所
 喜血黯而脉靜余曰此輕粉之熱血受其毒而妄行
 輕粉之毒亦得以泄邪氣去而真氣虛也當急用獨
 參湯主之余重其為人體恤甚篤但惑於他言不果
 致邪氣連綿不已惜哉 一人背瘡出血煩躁作渴
 脉洪大按之如無此血脫發躁用當歸補血湯二劑
 少愈又以八珍加黃芪山梔數劑全愈 一婦人潰
 後吐鮮血三碗許余用獨參湯而血立用四君熟地

芎歸而瘡愈此血脫補氣陽生陰長之理也若用涼
 血降火沉陰之劑脾土生氣復傷不惟血不歸源而
 死無疑矣 一老婦手大指患疔為人針破出鮮血
 手背俱腫半體皆痛神思昏憤五日矣用活命飲始
 知痛在手瘡勢雖惡不宜大攻再用大補劑又各一
 劑外用隔蒜灸喜此手背赤腫而出毒水又各一劑
 赤腫漸潰又用托裏藥而瘡 南儀部賀朝卿陞山
 西少叅別時余見其唇鼻青黑且時搔背問其故曰
 有一小瘡耳余與視之果疽也此脾胃敗壞為不治
 之證余素與善悲其途次不便殯斂遂托其僚友張

東沙輩強留之勉與太補但出紫血虛極也或謂毒
熾不能為膿乃服攻毒藥一鍾以致嘔逆肌脫果卒
於南都 愈憲張碧崖腰患疽醉而入房肌洪數兩
尺更大余辭不治將發并其子強留頃間吐臭血五
六碗余意此腎經虛火而血妄行血必從齒縫出將
谷肉桂等補腎制火之藥各用確別煎熟聽用血止
拭齒視之果然遂合一鍾冷服之熱渴頓止少頃溫
服一鍾肌細欲脫氣息奄奄得藥則肌少復良又仍
脫其子疑內有膿欲刺之余曰必無乃以鴛翎管絛
內果如余言次日肌脫脚寒至膝腹內如冰急用六

君加薑附腹始溫膿始潰瘡口將定彼因侍者皆愛
妾又患小便不通此陰已痿而思色以降其精精內
敗不出而然耳用加減八味丸料加參芪白朮二劑
小便雖愈瘡口不斂而沒

東垣聖愈湯 治諸惡瘡血出不止以寒水石細末
摻之立止或瘡時聞作黑色不可潰也藥力去盡
却紅和如血出多而心煩不安不得眠睡此亡血
也此湯主之

- 熟地黄
- 生地黃各參錢
- 當歸身壹錢半
- 川芎貳錢
- 黃芪伍分
- 人參參分

右以咀都作一服水壹盞半煎至壹盞去滓稍熱
服無時按此方參芪與歸地

濟生犀角地黄湯 治胃火血熱妄行吐衄或大便
下血者

犀角 鎊末
生地黃
赤芍藥
牡丹皮 各壹錢半
升麻
黃芩 炒各壹錢

右水煎熟入犀角末服
若因怒而致加山梔柴胡若脾氣虛而不能攝用
歸脾湯若肝脾火動而妄行用加味道遙散若脾
氣虛而不能統用補中益氣湯加炮黑乾薑若血

虛有火而妄行用四物加炮薑若腎經虛火而血
妄行用六味丸料不應急加肉桂以引虛火歸源
獨參湯 治一切失血或膿水出多血氣俱虛惡寒
發熱作渴煩躁蓋血生於氣故血脫補氣陽生陰
長之理也用人參貳兩棗拾枚薑拾片水煎徐徐
服

托裏消毒散加減法 膿多帶赤血虛也去金銀花
連翹白芷三味加歸地參朮如不應暫用八珍湯
加牡丹皮 忿怒晡熱而出血肝火血虛也去
味加牡丹皮炒黑山梔熟地如不應暫用八珍湯

血直無登出血

送六味丸 一面青脇脹而出血肝氣虛而不能藏血也去三味加山茱山藥五味子如不應兼六味丸食少體倦而出血脾氣虛而不能攝血也去三味加參朮歸地兼鬱怒少寐更加遠志酸棗仁茯苓神龍眼肉如不應暫用歸脾湯

○瘡僵肉

海治背瘡肉長疾皮不及裹見風即成瘻以寒水石燒研為細末傅瘡上再用銅綠細末上之肉即不作瘻矣

○瘡癰急牽陰入腹

圖經古方療惡瘡癰腫或連陰髀間疼痛急牽牽入小腹不可忍一宿則殺人者用茴香苗葉搗取汁壹升服之日三四用其滓以貼腫上冬中根亦可用此外國方永嘉以來用之起死神効

○咽喉口舌生瘡

精要犀角膏 治咽喉口舌生瘡昔有一貴人因疽而生此證醫者以為心臟絕盡皆辭退愚進此藥一日而安

真琥珀 研

生犀角

各壹錢

辰砂 研

茯苓 去木各

真腦子

研壹字

人參 去

卷之三

小月心

上二口

酸棗仁 去皮研 各貳錢

右人參茯苓神犀角為細末入乳鉢內別研藥味和勻用蜜搜為膏子以瓷瓶收貯俟其疾作每服壹彈子大以麥門冬去心濃煎湯化服一日連服五服取效 此方潰瘍不宜用

○大便秘結

薛東垣先生云瘡瘍熱毒深固嘔啞心逆發熱而煩脈沉而實腫硬木悶大便秘結此毒在臟宜疎通之故曰疎通其內以絕其源又曰瘡瘍及諸病面赤雖伏火熱不得妄攻其裏而陽氣拂鬱邪氣在經宜發

表以去之故曰火鬱則發之凡大便秘不通飲食雖多肚腹不脹切不可通若腹痞脹而不通者乃直腸乾涸也宜用豬膽汁導之若腸胃氣虛血涸而不通者宜用十全大補湯培養之若瘡症屬陽或因入房傷腎而不通者宜用前湯加薑附回陽多有得生者經云腎開竅於二陰藏精於腎津液潤則大便如常若潰瘍有此因氣血虧損腸胃乾涸當大補為善設若不審虛實而一於疎利者鮮有不誤 一人仲夏患發背黯腫尺餘皆有小頭如鋪黍狀四日矣此真氣虛而邪氣實遂隔蒜灸服活命飲一劑其邪頓退乃

四二五頁正大便

純補其真又將生脉散以代茶飲瘡邪大退余因他
往三日復視之飲食不入中央死肉大便祕結小便
赤濁余曰中央肉死毒氣盛而脾氣虛也大便秘不通
腸虛而不能傳送小便赤濁脾虛而火下陷治亦難
矣彼始云莫非間斷補藥之過予曰然乃急用六君
子加當歸柴胡升麻飲食漸進大便自通外用烏金
膏塗中央三寸許四圍紅腫漸消中央黑腐漸去乃
敷當歸膏用地黃丸與前藥間服將百劑而愈一
男子腿患癱因服尅伐虧損元氣不能成膿余為托
裏而潰大補而斂但大便結燥用十全大補湯加麥

門五味而潤月餘仍結惑於人言乃服潤腸丸而瀉
不止余用補中益氣湯送四神丸數服而止

潤腸丸 治脾胃伏火大腸乾燥或風熱血結宜用

此丸通之若結在直腸宜豬膽汁導之蓋腎主五
液開竅於二陰若津液滋潤大便通調若津液不
足脾氣虧損必當培補猶忌前藥

- 麻子仁
- 桃仁去皮尖
- 羌活
- 當歸尾
- 大黃煨
- 皂角刺
- 秦光各伍錢

右各另研為末煉蜜或豬膽汁丸桐子大每服參

肆拾九白湯下若使豬膽汁導之而不結燥急補元氣

○大便瀉利

薛瘡湯大便泄瀉或因寒涼尅伐脾氣虧損或因脾氣虛弱食不尅化或因脾虛下陷不能升舉或因命門火衰不能生土或因腎經虛弱不能禁止或因脾腎虛寒不能司職所主之法若寒涼傷脾用六君加木香砂仁送二神丸脾虛下陷用補中益氣送二神丸命門火衰用八味丸料送四神丸腎虛寒用薑附湯加吳茱萸五味脾腎虛寒用參附湯送四神丸

病機云脉沉而細身不動作睛不瞭瞭飲食不下鼻準氣息者薑附湯主之身重四肢不舉者參附湯主之仲景先生云下痢腸鳴當溫之脉遲緊痛未止當溫之太孔痛當溫之心痛當救裏可與理中附子四逆輩精要云癰疽嘔瀉腎脉虛者不治此發內經之微旨也凡此實難治之症如按前法治之多有可生者一婦年踰四十背疽不起發泄瀉作嘔食少厥逆脉息如無屬陽氣虛寒用大補劑加附子薑桂不應再加附子一劑瀉愈甚更以大附子薑桂各叁錢參芪歸木各伍錢作一劑腹內始熱嘔瀉乃止手足

醫直在症大便瀉利

外科十一

乙二二

漸溫脈息隨復更用大補而潰再用托裏而斂十年後仍患脾胃虛寒而歿

加減托裏消毒散 治飲食少思腸鳴腹痛腹冷泄瀉

瀉乃脾氣虛寒也去芷翹銀花加炮薑木香手足

逆冷脾血虛寒也更加附子煎送四神丸

和氣散 治癰疽潰後氣虛滑泄四肢逆冷

蒼朮 肆兩米泔浸三日洗淨晒乾再以米醋炒令香黃色 甘艸 炙

青皮 壹兩去穢各 良薑 炒 肉桂

乾薑 炮各半兩 陳粟 半升

右七味為末每服壹錢用炒茴香末半錢相和溫

酒調下不拘時 按此但有燥溫耳無補氣藥非氣虛者所宜

四神丸 治脾腎虛弱大便不實飲食少思或小腹

作痛或產後泄瀉肚腹作痛不思飲食

肉豆蔻 五味子 各貳兩 補骨脂 肆兩

吳茱萸 湯浸炒壹兩

右為末別以水貳碗生薑捌兩煮紅棗壹百個熟爛去皮核用和末為丸桐子大每服伍柒拾丸空心食前白湯下

二神丸 治脾腎虛寒不思飲食或侵晨五更泄瀉或飲食少思大便不實其功甚効如不應乃命門

醫直海登 小便淋數 外科十二

火衰急服八味丸補火而生土

破故紙肆兩炒肉豆蔻貳兩生用

右為末用大紅棗肆拾枚生薑肆兩水煮熟去薑
取棗肉和藥丸如桐子大每服伍拾丸空心鹽湯
送下

○小便淋瀝頻數

薛瘡瘍小便淋漓頻數或莖中澹者腎經虧損之惡
症也宜用加減八味丸以補陰足脛逆冷者宜用八
味丸以補陽若小便頻而黃者宜用四物湯加參朮
麥門五味以滋肺腎若小便短而少者宜用補中益

氣加山藥麥門五味以補脾肺若熱結膀胱而不利
者宜用五淋散以清熱若脾氣燥而不能化者宜用
黃芩清肺飲以滋陰若膀胱陰虛陽無以生者宜用
六味丸若膀胱陽虛陰無以化者宜用滋腎丸腎虛
之患多傳此症非滋化源不救若用黃蘗知母反瀉
其陽以速其危若老人陰痿思色精內敗莖中痛而
不利者用加減八味丸加車前牛膝不應更加附子
多有復生者若精已竭而復耗之大小便中牽痛愈
痛則愈便愈則愈牽痛以前藥加附子亦有復生
者王太僕云無陰則陽無以化無陽則陰無以生當

滋其化源苟專用淡滲復損真陰乃速其危也 職
方王酌塘背疽潰後小便淋漓或時自遺作渴引飲
煩熱不寐瘡口焮赤時或如灼時或便遺余曰此腎
虛之惡症用加減八味丸加麥門數劑而痊 駕部
林汝玉冬不衣綿作渴飲冷每自喜壯實哂余衣綿
診其脉數大無力余曰至火令當求余也三月間果
背熱便悶脉澁用四物加苓連山梔數劑大便稍和
却去苓連加參朮茯苓二十餘劑及前丸半斤許渴
減六七背熱亦退至夏背發一疽純用托裏之劑而
斂

托裏消毒散加減法 莖中痛而小便不利精內敗
也去連翹白芷金銀花三味加山茱萸山藥澤瀉
如不應佐以六味丸 愈便則愈痛愈痛則愈便
精復竭也去三味煎送六味丸 食少體倦口乾
飲熱小便黃短脾肺虛熱也去三味加五味子山
茱萸如不應暫用六味丸 勞役而小便黃元氣
下陷也去三味加升麻柴胡 午後小便黃短腎
虛熱也去三味加升麻柴胡煎送六味丸
黃芩清肺飲 治肺經陰虛火燥而小便不通若因
脾經有熱當清其脾若因心火尅肺當制其心

黃芩 壹錢

梔子 叁枚打碎

右水煎服

滋腎丸

治腎經陰虛發熱作渴便赤足熱腿軟等

證凡不渴而小便秘熱在下焦血分也最宜此藥

經云無陰則陽無以化若脾肺燥熱所遺當滋其

化源

知母

黃檗

各酒炒 壹兩

肉桂

貳錢

右為末水丸如梧桐子大每服百丸空心白滾湯

下

五苓散

治下部濕熱瘡每小便赤少

澤瀉

貳兩伍錢

豬苓

去皮 壹兩半

肉桂

柒錢半

白朮

赤茯苓

各壹兩伍錢

右為細末每服壹錢熱湯調下

清心蓮子飲

治膀胱氣虛濕熱玉莖腫痛或莖竅

瀦滯口苦咽乾小便色赤或白濁夜安靜而晝發

熱

黃芩

麥門冬

地骨皮

車前子

炙甘艸

各壹錢半

石蓮肉

白茯苓

黃芪

柴胡

人參

各壹錢

右水煎服

五淋散 治膀胱有熱水道不通或尿如豆汁或如

沙石或如膏汁或熱沸便血

赤茯苓 壹錢半

赤芍藥

山梔 各貳錢

當歸

甘草 各壹錢伍分

右用燈心貳拾根水煎服

清肺飲 治渴而小便不利乃肺經有熱是絕寒水

生化之源宜用此藥以清化源其水自生而便自

利矣

茯苓 貳錢

豬苓 叁錢

澤瀉

琥珀

藿麥 各伍分

通草 陸分

木通

篇蓄 各柒分

車前子 壹錢

燈草 壹分

右為細末每服伍錢水煎服

腎氣丸 治腎經陽虛陰無所化以致膀胱淋漓或

脾肺氣虛不能通調水無所化而膀胱癢閉或腎

氣虛熱干於厥陰之絡陰挺痿痺而溺頻數或腎

水虛弱陰虧難降使津液敗濁而為痰水又治腎

虛便血及諸見血發熱自汗盜汗等症之聖藥也

即六味地黄丸

琥珀散 治諸般瘡癤表裏有熱小便赤澁

白茯苓 黃芩 茵陳

紫草 瞿麥 茅根

石葦 烏藥 琥珀

連翹 車前子 各等分

右為極細末每服貳錢用燈心湯調下不拘時

瞿麥散 治癰疽發背排膿止痛利小便

桂心 赤芍藥 當歸

黃芪 芎藭 瞿麥

○白欬 麥門冬去心 赤小豆壹合酒浸炒乾

右咬咀每服肆錢酒煎温服如諸癰已潰未潰瘡中膿血不絕痛難忍者加細辛白芷白欬薏苡仁

○頭痛眩暈

托裏消毒散加減法 初腫頭痛發熱邪在表也加

川芎羌活若外邪在表而元氣實者暫用人參敗

毒散 頭痛惡寒表虛也去金銀花連翹加參芪

體倦頭痛或眩暈中氣虛也去三味加柴胡升

麻如不應暫用補中益氣湯加蔓荊子 日晡頭

痛或眩暈陰血虛也去三味加熟地黄如不應佐

以六味丸ヲ夢泄遺精頭暈頭痛或痰喘氣促腎
虛不能納氣也去三味併川芎佐以六味丸如不
應太虛寒也用八味丸ヲ

○煩躁

托裏消毒散加減法 面目赤色煩熱作渴脉大而
虛血脫發躁也去三味加黃芪當歸如不應暫用
當歸補血湯ヲ身熱惡衣欲殺於水脉沉微細氣
脫發躁也去三味加肉桂附子如不應暫用附子
子理中湯ヲ

○自汗盜汗

托裏消毒散加減法 善思體痛無寐盜汗脾血虛
也去三味加茯苓遠志酸棗仁圓眼肉如不應暫
用歸脾湯ヲ寢寐而汗出腎氣虛也去三味加五
味子ヲ前送六味丸ヲ飲食而汗出胃氣虛也去三
味加參芪歸朮五味子如不應暫用六君子湯ヲ
睡覺飽而出盜汗宿食也去三味加參朮半夏如
不應暫用六君子湯ヲ

○多痰

托裏消毒散加減法 胸滿多痰脾氣虛也去三味
加桔梗半夏如不應暫用六君子湯加桔梗枳殼

喘熱多痰脾血虛也去三味加歸地參朮如不應暫用六君子湯加芩歸熟地咳嗽唾痰腎虧津液泛上也去三味加山茱萸山藥熟地如不應佐以六味丸

○喘急

癰疽喘急恍惚嗜卧此心火刑肺金宜用人參平肺散

人參平肺散

桑白皮炒 知母米分炒 杏仁去皮尖炒
地骨皮 紫蘇 橘紅

半夏薑製

茯苓

青皮

人參各壹錢

五味子貳拾粒炒

甘艸炙伍分

作一劑水貳鍾薑參片煎捌分食遠服

按此方理氣清肺化痰之劑若肺脉洪數無力者宜用若兼發熱作渴脉洪數有力者宜用如金解毒散此證火尅金為惡候面赤者亦不治

○胸痞

托裏消毒散加減法 忿怒胸痞肝氣滯也去三味加桔梗山梔如不應暫用補中益氣湯加桔梗枳殼倦怠胸痞中氣虛也去三味加參朮茯苓如

不應暫用八珍湯加柴胡

○目斜視上

癰疽目斜視上黑睛緊小白睛青赤肝挾火邪宜用

瀉青丸

瀉青丸方

當歸 酒拌

羌活

大黃 酒拌炒

草龍膽 酒拌炒

防風

川芎

山梔仁 炒

右為細末煉蜜丸雞頭實大每服壹丸煎淡竹葉湯化下日進二三服如瀉去大黃加荆芥或用黃

連瀉心湯一二劑亦可

薛按前症七惡中之三惡也若肝脉弦緊洪數者最當亦有目視不正睛不瞭瞭脉微或浮者乃真氣虛也宜用大補之劑夫瀉青者瀉肝經之火邪也肝屬木其色青故耳

○四肢沉重

胃苓湯

蒼朮 米泔浸炒貳錢

厚朴 薑製

陳皮

甘草 炙

白朮 炒各壹錢

茯苓 壹錢

澤瀉

木香

白芍藥 炒各壹錢

官桂 伍分

淡竹葉 貳拾片

作一劑水貳鍾薑叁片棗貳枚煎八分食前服
按前證七惡中之五惡也服而若脾氣醒濕氣除
宜用參苓白朮散之類多服恐導損津液
參苓白朮散

人參

茯苓

白朮 炒

蓮肉 去心

縮砂仁 炒杵

薏苡仁 炒

山藥 各貳兩

桔梗 炒

甘艸 炙

白扁豆 炒各壹兩

去皮薑汁浸

右為細末每服貳錢用石苜蒲煎湯調下

○寒熱往來

托裏消毒散加減法

口苦寒熱往來肝火血虛也

去三味加柴胡熟地

因怒寒熱往來肝火氣虛

也加柴胡黃芩如不應暫用八珍湯加炒山梔炒

酸棗仁酒炒黑龍膽草體倦寒熱往來肝脾氣

滯也去三味加參芪歸朮如不應暫用補中益氣

湯內熱晡熱或寒熱往來陰血虛也去三味加

芎歸牡丹皮柴胡如不應暫用八珍湯加牡丹皮

畏寒或寒熱往來胃氣虛也去三味加參苓白

朮升麻如不應暫用補中益氣湯脇痛痞滿或

寒熱往來肝氣滯也去三味加青皮木香如不應
屬氣血虛也更加芎歸參朮若婦人勞役恚怒
或適經行發熱譫語或夜間熱甚乃熱入血室也
去三味加生地丹皮柴胡如不應暫用加味四物
湯

○厥逆

加減托裏消毒散治四肢逆冷乃腎氣虛寒也去
三味加桂附仍佐以八味丸

○面目浮腫

癰疽聲嘶色敗唇鼻青赤面目浮腫宜調胃白朮散

調胃白朮散方

白朮炒

茯苓各貳錢

陳皮

白芍藥炒

檳榔

澤瀉各壹錢

木香伍分

作一劑水貳鍾薑參片煎捌分食後服如腫不退

加白朮炒枳實炒各壹錢

薛按前症乃七惡也用此方若濕除氣少退用六
君子湯參苓白朮散之類大便不實尤効再用檳
榔木香恐傷真氣也亦有真氣虛而致前症者尤
不宜用二藥

○陽氣脫陷

薛瘡瘍陽氣脫陷或因剋伐之劑或因膿血大泄或因吐瀉之後或因誤而入房若發熱頭痛小便淋漓或滑數便血目赤煩喘自汗發熱氣短頭暈體倦熱渴意欲飲水投水惡寒憎寒身熱惡衣揚手擲足汗出如水腰背反張鄭聲不絕此無根虛火之假熱症若畏寒頭痛咳逆嘔吐耳聾目矇小便遺難瀉利腸鳴裏急腹痛玉莖短縮冷汗時出齒牙浮動肢體麻痺或厥冷身痛或咬舌齒唇舌根強硬此陽氣脫陷之真寒證皆勿論其脈勿論其瘡但見一二急用參

附湯補之多有復生者大凡潰後勞役元氣虧損或夢遺精脫或滑數便血或外邪乘之或誤用寒涼氣血脫陷而致斯症治以前藥亦有復生者內翰楊臯湖孟夏患背疽服剋伐之劑二旬餘矣漫腫堅硬重如負石隔蒜灸五十餘壯背遂輕以六君加砂仁二劑涎沫涌出飲食愈少此脾虛陽氣脫陷劑用溫補及嘔不食仍用前藥作大劑加附子薑桂又不應遂以參芪各壹斤歸朮陳皮各半斤附子壹兩煎服三日而盡流涎頓止腐肉頓潰飲食頓進再用薑桂等藥托裏健脾腐脫而瘡愈矣 少叅史南湖之內

夏患疽不起發脉大而無力發熱作渴自汗盜汗用
參芪大補之劑益加手足逆冷大便不寬喘促時嘔
脉微細按之如無惟大衝不絕仍以參芪白朮當歸
茯苓陳皮計斤許加附子五錢水煎兩鍾作一服諸
證頓退脉息頓復翌日瘡起而潰仍用前藥四劑後
日用托裏藥調理兩月餘而消一婦卧牀十三年
矣遭回祿益加憂鬱明年三月右肩下發一塊焮腫
如甌中赤外白先用涼藥一劑不解次用十宣散四
劑加痛略紅迎醫視之連投參芪丁桂防芷之劑膿
潰云無恙矣辭去眩暈嘔逆惡寒戰慄頂陷膿清偶

檢外科發揮發背門云若初起一頭如黍不腫不赤
煩躁便秘四五日間生頭不計其數瘡口各如含
粟名曰蓮房發云云始駭為惡症治法雖詳不諳於
行迎薛至診云辛涼解散氣血兩虛者忌之連投參
芪歸木地黃薑附太劑腫高膿稠兼紅烏金膏數日
果腐落筋如脂膜者數片人參每服至捌錢日進二
服逾兩月平復

附子理中湯 治瘡瘍脾胃虛寒或誤行攻伐手足
厥冷飲食不入或腸鳴腹痛嘔逆吐瀉

附子

人參

茯苓

白芍藥 各參錢 白木 肆錢 右水煎服

薑附湯 治瘡瘍真陽虧損或誤行汗下或膿血出多失於補托以致上氣喘急自汗盜汗氣短頭暈

人參 附子 炮去皮臍 乾薑 炮

白朮 各伍錢 右作二劑水煎服

參附湯 治失血過多或膿痰大泄或寒涼汗下真

陽脫陷上氣喘急自汗盜汗氣短頭暈等症急服

以救元氣緩則不治

人參 壹兩 附子 炮去皮臍伍錢

右薑五片水煎服不應倍之

內癰

素問曰肝滿腎滿肺滿皆實即為腫 王注云滿謂脈

腫肺之癰喘而兩胛滿 仲景云肺癰吐膿 肝癰兩胛

滿卧則驚不得小便 腎癰 脚下至小腹滿 大奇論

脚下當作胛下○千金云腸癰之為病小腹腫強按

則痛便數似淋仲景云腸癰小腹痞堅蓋小腹腹痛而

者腸癰也即肺癰肝癰之屬

胃脘癰人迎脈逆而盛 全文見後

辨藏府內瘡 中府隱隱痛者肺疽 其上肉微起者肺癰

巨闕隱隱痛者心疽 其上肉微起者心癰

期門隱隱痛者肝疽 其止肉微起者肝癰
 章門隱隱痛者脾疽 其上肉微起者脾癰
 京門隱隱痛者腎疽 其上肉微起者腎癰
 中脘隱隱痛者胃疽 其上肉微起者胃癰
 天樞隱隱痛大腸疽 其上肉微起大腸癰
 丹田隱隱痛三焦疽 其上肉微起三焦癰
 關元隱隱痛小腸疽 其上肉微起小腸癰
 懷忠丹 治內癰有敗膿敗血腥穢殊甚所致臍腹
 冷痛用此推膿下血
 單葉紅蜀葵花根 各壹兩

白芷

單葉紅蜀葵花根 各壹兩

白礬

白芍藥 各伍錢

右研為末 鎔黃蠟丸如梧子 大空心米湯下 叁拾
 丸推膿下血 出盡後服 十宣散 補之 忌發物 又方

煎鯽魚食治腸癰又方
以鼈甲燒存性未服之

肺癰丹 溪云癰疽發於內者 肺癰肝癰腎癰腸癰囊
 內癰附骨癰 惟肺癰須先解表 今表而出之

千金欬唾膿血其脉數實者為肺癰 若口中欬即胃
 中隱痛脉反滑數此肺癰也 問曰病者欬逆何以
 知其肺癰 當有膿血吐之則死 其脉何如 曰寸脉微
 而數微為風數為熱微則汗出數則惡寒 風中於衛

內癰肺癰

二

三

呼氣不入熱逼於榮吸氣不出風傷皮毛熱傷血脈
風舍於衛其火則欬口乾喘滿咽燥不渴多吐濁沫
時時振寒熱之所過血為凝滯蓄結癰膿吐如米粥
始萌可救膿成則死 問曰振寒發熱寸脈滑數其
人飲食起居如故此為癰腫醫反不知以傷寒治之
不應何以知有膿膿之所在何以別知其處師曰假
令膿在胸中者為肺癰其脈數欬吐有膿血設膿未
成其脈自數緊去但數為膿已成也 薛夫肺者五
臟之華蓋也處於胸中主於氣候於皮毛勞傷氣血
腠理不密外邪所乘內感於肺或入房過度腎水虧

損虛火上炎或醇酒炙煖辛辣厚味薰蒸於肺或咳
唾痰涎汗下過度重亡津液之所致也其候惡風咳
嗽鼻塞項強胸脇脹滿呼吸不利咽燥作渴甚則四
肢微腫咳唾膿血若吐痰臭濁膿血腥穢胸中隱隱
微痛右手寸口脈數而實者為肺疽若唾涎沫而無
膿脈數而虛者為肺痿也若咳嗽喘急者小青龍湯
咳嗽胸脹者葶藶大棗瀉肺湯咳膿腥濁者桔梗湯
咳喘短氣或小便短少者佐以參芪補肺湯體倦食
少者佐以參朮補脾湯咳唾痰壅者腎虛水泛也六
味地黄丸口乾咽燥者虛火上炎也加減八味丸此

症皆因脾土虧損不能生肺金肺金不能生腎水故始萌則可救膿成則多死若脉微緊而數者未有膿也緊甚而數者已有膿也內經曰血熱則肉敗榮衛不行必將為膿大凡肺瘡咳唾膿血久久如粳米粥者難治若唾膿而不止者亦不可治也其嘔膿而自止者自愈其脉短而澁者自痊面色當白而反赤者此火之尅金皆不可治苟能補脾肺滋腎水庶有生者但恐專攻其瘡脾胃益虛鮮有不誤者矣
丹溪治一小婦胸膈間潰一竅膿血與口中所咳相應而出以參芪當歸加退熱排膿等藥而愈云此

因肺痿所致 項彥章治一人病胸膈壅滿昏不知人項以杏仁薏苡之劑灌之立甦繼以升麻桔梗黃芪消其膿服之踰月瘳項所以知其病者以陽明脉浮滑陰脉不足也浮為火而滑為血聚始由風傷肺故結聚客于肺陰脉之不足則過于宣逐也諸氣本乎肺肺氣治則出入易苑陳除故行其肺氣而病自已 汪石山治一婦年近三十形色瘦白素時或咳嗽一兩聲月水或前或後夏月取涼遂咳甚不能伏枕者月餘嗽痰中或帶血或兼膿嗽急則吐食醫用芩連二陳不效復用參芪等補藥病重汪視左脉浮

滑右脉稍弱而滑幼傷手腕掌不能伸右脉似難憑
矣乃以左脉驗之恐妊兼肺癰也遂以清肺泄肺之
劑進之二服而能著枕痰不吐膿不咯惟時或惡阻
汪曰此妊之常病也教用薏苡仁白朮茯苓麥冬黃
芩阿膠煎服病減月餘復為診脉皆稍緩而浮曰熱
已減矣但吐紅太多未免傷胃教用四君子加陳皮
黃芩枳殼煎服調理妊至六月食雞病作却雞而愈
至九月病又復作聲啞令服童便獲安汪曰產後病
除乃是佳兆病若復作非吾所知月足而產脾胃病
作加泄竟不救 薛立齋治一儒者患肺癰鼻流清

涕咳唾膿血胸膈作脹此風邪外傷也先用消風散
加亂髮灰二服而鼻利又用四君加芎歸及桔梗湯
而愈後因勞役咳嗽吐膿小便滴瀝面色黃白此脾
土不能生肺金肺金不能生腎水也用補中益氣湯
六味地黄丸而愈 一儒者因素善飲咳膿項強皮
膚不澤此脾肺氣虛外邪所乘而成肺癰也先用桔
梗湯後用人參補肺湯而痊 一男子咳唾痰膿胸
腹膨脹兩寸與右關脉皆洪數此火不能生土而土
不能生金也用桔梗湯為主佐以補中益氣湯而愈
一人不時咳嗽作渴自汗發熱便數自用清肺降

火理氣滲利之劑服之反小便不通面目赤色唇烈
痰壅脾肺腎三脉浮大按之而數此足三陰虧損不
能相生當滋化源否則成癰矣不信仍用分利之藥
後果患肺癰余用桔梗湯及六味丸而愈 一男子
面赤吐膿發熱作渴煩躁引飲脉洪數而無倫次先
用加減八味丸加麥門大劑一服熱渴頓止即熟睡
良久覺而神爽索食再劑諸症頓減仍用前藥更以
人參伍錢麥門貳錢伍分五味貳錢水煎代茶飲日
一劑月餘而安此證面赤者當補脾腎面白者當補
脾肺治者驗之 一婦素血虛發熱咳嗽或用痰火

之劑後吐膿血面赤脉數甚勢甚危此膿成而血氣
虛也余用八珍湯以補元氣用桔梗湯以治肺症脉
症漸愈 一婦感冒風寒或用發表之劑反咳嗽喘
急飲食少思胸膈不利大便不通右寸關脉浮數欲
用通利之劑余曰此因脾土虧損不能生肺金若更
利之復耗津液必患肺癰矣不信仍利之虛證悉至
後果吐膿子朝用益氣湯夕用桔梗湯各數劑吐膿
漸止又朝仍用前湯夕用十全大補湯各五十餘劑
喜其善調理獲愈 一婦咳嗽吐痰胸膈作痛右寸
關浮滑項下牽強此脾胃積熱成痰非癰患也以二

先解表次取膿裏終補

陳湯加山梔白朮桔梗治之而痊。一婦素血虛肉熱時咳甲辰孟冬兩尺浮洪余曰當防患肺症兩斤孟春果咳嗽左右寸脉洪數此心火刑射肺金而成肺癰也膿已成矣夏令可憂余用壯水健脾之劑稍愈彼不慎調攝果歿於仲夏。

小青龍湯

治肺受風寒咳嗽喘急

半夏

湯泡米泔次貳兩半乾薑炮

細辛

麻黃

去節去節

肉桂

芍藥

甘草

炙各參兩

五味子

蜜拌炒貳兩

右每服伍錢薑水煎服

葶藶大棗瀉肺湯

治肺癰喘不得卧

葶藶

炒黃研細丸如彈大

大棗

拾貳枚

水參升入棗先煮取貳升去棗入葶藶又煮壹升頓服之又曰治肺癰胸滿脹一身并面目浮腫鼻塞清涕出不知香臭酸辛咳逆上氣喘鳴迫塞用前方三日一劑可至三四劑須先與小青龍湯一劑乃與之

桔梗湯

治欬而胸滿振寒脉數咽乾不渴時出濁唾腥臭久久吐膿如粥者肺癰也

桔梗

甘草

炙各壹兩

用水參升煮取壹升去滓分温再服則吐膿血也亦治喉痺三因甘艸倍之每肆錢名四聖散千金亦名桔梗湯用桔梗參兩甘艸貳兩服後必吐膿血

葦莖湯 治肺癰又云一本治欬有微熱煩滿心胸

甲錯

葦莖 參升切

薏苡仁 半升

冬瓜仁 半升

桃仁 伍拾枚 去皮

用水壹斗先煮葦葉得伍升去滓入諸仁煮取貳升分温五服當吐如粥千金云肺癰當吐膿血葦莖節汗洲間蘆荻之粗

種也

治吐膿血如肺癰狀口臭他方不應者宜消風散入

男子髮灰研細入和之清米飲下可除根只兩服

亦治吐血消風散方荆芥川芎羌活人參茯苓獨活

半兩為末是也

葦宙獨行方 治心胸甲錯為肺癰黃昏湯主之

用夜合皮掌大壹片水參升煮取貳升分再服合夜

樹按本草即十鳥農樹也

右肺癰證治要略以小青龍湯先與一劑乃行氣取膿之藥將以解表之風寒邪氣此治腫瘍之例

取膠
雜方

也後以韋宙方終之者將以補裏之陰氣此治瀆
瘍之例也已上六方皆丹溪所集

如聖丸梅師

治風熱毒氣上攻咽喉痛痺腫塞妨悶

及肺癰喘嗽唾膿血胸滿振寒咽乾不渴時出濁
沫氣臭腥穢久久咯膿狀如米粥

樟腦另研

牛黃另研

桔梗

甘草生用各壹錢

爲細末煉蜜丸每兩作貳拾丸每用壹丸嚥化

濟生桔梗湯

治肺癰心胸氣塞咳嗽膿血心神煩

悶咽乾多渴兩足腫滿小便赤黃太便秘澀用桔

梗貝母川歸瓜萸仁枳殼薏苡仁桑白皮防風已

上各壹兩生甘艸杏仁蒸百合各半兩黃芪壹兩

半右修事吹咀每服肆錢水壹椀半生薑伍片煎

至捌分去滓服若太便秘加大黃小便秘加木通

仲景桔梗白散 治欬而胸滿振寒脉數咽乾不渴

時出濁唾腥臭久久吐膿如米粥者爲肺癰

桔梗

貝母各叁分

巴豆去皮炒研如脂壹分

右三味爲散強人飲服半錢匕羸者減之病在膈

上者吐膿血膈下者瀉出若下多不止飲冷水

碗則定此亦要畧方丹溪不刪採焉

內經 肺癰

小

百七

肺癰醫壘元戎搜風湯吐之

牡丹散本治肺癰吐膿血作臭胸乳間皆痛

牡丹皮

赤芍藥

地榆

苦梗

薏苡仁

川升麻

黃芩

生甘草

各壹錢半

右作一服水貳鍾煎至壹鍾食遠服一方無黃

芩加生薑煎名升麻湯

如金解毒散治肺癰

桔梗

甘草

壹錢半

黃連

炒

黃芩

黃檗

炒

山梔

炒各壹錢

作一劑水貳鍾煎捌分作十餘次呷之勿急服

薛按此方乃降火解毒之劑也發熱煩渴脉洪大

者用之俱効若脉數咳痰腥臭或唾膿痰宜用桔

梗湯太抵肺癰之證肺脉洪大或吐膿不止者難

治膿自止脉短濇者自愈面赤火尅金也不治

桔梗湯治男婦欬而胸膈隱痛兩脚腫滿咽乾口

燥煩悶多渴時出濁唾腥臭名曰肺癰小便赤黃

太便多澁

桔梗

貝母

當歸酒浸

瓜蒌仁

枳殼

麩炒

薏苡仁

微炒

桑白皮

防已

去粗皮

甘草節

各壹兩

百合

蒸

黃芪

各壹兩半

北五味子

甜葶藶

地骨皮

知母

杏仁 各半兩

右剉碎每服肆錢水壹盞半生薑參片煎柒分不

拘禁温服咳者加百藥煎執加黃芩大便不利加

煨大黃少許小便澁甚加水通車前子煎煩躁加

白茅根煎咳而痰甚加入參白芷煎

四順湯

治肺癰吐膿五心煩熱壅悶咳嗽

貝母 去心

紫苑 去苗

桔梗 炒各壹兩

甘草

炙半兩

右搗篩每服叁錢水壹盞煎五七沸去滓不拘時

稍冷服如咳嗽甚加法皮尖杏仁叁枚同煎小兒

量減

治肺癰方

右用薏苡米為末糯米飲調下或入粥內煮吃亦

可一方用水煎服當下膿血便愈

瀉白散

治肺癰

桑白皮

炒貳錢

地骨皮

甘草

貝母

去心

紫苑

桔梗 炒

內卷 肺癰

小引二

百五

當歸

酒拌各壹錢

瓜蒌仁

壹錢半

作一劑水壹鍾薑叁片煎捌分食遠服

薛按此方乃瀉肺邪消毒之劑也若喘咳唾痰沫肺脉浮數者用之有效如脉大發熱作渴宜用解毒散解之而後用此劑其或唾膿之際宜排膿如唾膿後及脉將安宜補肺初起胸膈脹滿喘急咳嗽宜發散表邪

補裏雜方

濟生排膿湯

治肺癰得吐膿後以此排膿補肺

生綿黃芪貳兩細末每貳錢水壹盞煎伍分服肺癰收斂瘡口止有合權樹皮白斂煎湯飲之

排膿散

治肺癰吐膿後宜服此補肺

黃芪

鹽水拌炒

白芷

五味子

炒并

人參

各等分

為細末每服叁錢食後蜜湯調下

寧肺湯 治咳嗽唾膿自汗上氣喘急用此補肺及

治榮衛俱虛發熱自汗

人參

當歸

酒拌

白朮

熟地黄

川芎

白芍藥

甘草

五味子

麥門冬

去心

桑白皮

阿膠

蛤粉炒各壹錢

白茯苓

壹錢

內經 肺癰

小

三

作一劑水貳鍾薑參片煎捌分食後服

人參補肺湯 治肺症咳喘短氣或腎水不足虛火上炎痰涎涌盛或吐膿血發熱作渴小便短澀

人參

黃芪

白朮

茯苓

陳皮

當歸 各壹錢

山茱萸肉

山藥 各貳錢

麥門冬 柒分

甘草 炙

五味子 各伍分

熟地黄 自製壹錢半

牡丹皮 捌分

右薑棗水煎服

人參平肺散 治心火尅肺傳為疽痿咳嗽喘嘔痰涎壅盛胸膈痞滿咽隘不利若因肝木太過而致

當補肺若因腎水不足而患當補脾肺若因心火旺而自病當利小便

人參

陳皮

甘草

地骨皮

茯苓 各壹錢

知母 炒柒分

五味子 杵炒肆分

青皮

天門冬 去心各伍分

桑白皮 炒壹錢

右水煎服

參芪補脾湯

治肺疽脾氣虧損久咳吐膿涎或中

滿不食必服此藥補脾土以生肺金否則不治

人參

白朮 各貳錢

黃芪 貳錢伍分

茯苓

陳皮

當歸 各壹錢

升麻 叁分

麥門冬 柒分

五味子 肆分

桔梗 陸分

甘草 炙伍分

右薑棗水煎服

葶藶散 治肺癰咳嗽氣急睡卧不安心胸脹滿

甜葶藶子 貳兩半隔紙炒赤色

百合 炒

白附子

北五味子 炒

甘艸節

羅參

款冬花

百藥煎

紫苑 去木各壹兩

大硃砂 半兩另研

右為末每服貳錢燈心湯調下

補肺散 治肺癰已吐出膿血以此潤護

真鍾乳粉 壹兩 白滑石 貳兩

右研細每服叁錢米飲調下

理肺膏 治肺癰正作咳唾不利胸膈迫塞

訶子 去核 百藥煎 五味子 炒微

條參 去蘆 款冬花藥 杏仁

知母 貝母 甜葶藶子

紫苑 百合 甘艸節 各伍錢

右為末用白茅根淨洗秤叁斤研取自然汁入磁石器中熬成膏更添入好蜜貳兩再熬勻候調和

煎藥爲圓如梧子大溫水吞下

五香白朮散 寬中和氣滋益脾土生脾金進美飲

食

沉香

木香

明乳香

丁香

藿香葉

白朮

羅參

白茯苓

薏苡仁

山藥

篇豆

桔梗

縮砂

白豆蔻

粉草

蓮肉

各壹兩

右爲末蘇鹽湯調空心服棗湯亦可有汗加浮麥

煎湯下

肺癰已破入風者不治 肺癰吐膿後其脉短而濇

者自痊浮大者難治其面色白而反赤者此火之尅

金皆不可治

金匱方論曰熱在上焦者因欬爲肺痿肺痿之病何

從得之或從汗出或從嘔吐或從消渴小便利數或

從便難又被快藥下利重亡津液故寸口脉數其人

欬口中反有濁唾涎沫者爲肺痿之病若口中辟辟

燥欬卽胸中隱隱痛脉反滑數此爲肺癰欬唾膿血

脉數虛者爲肺痿數實者爲肺癰

要此言肺痿屬

熟如欬久肺傷聲啞聲嘶咯血此屬陰虛火熱甚是也本論治肺痿吐涎沫而不欬者其人不渴必遺尿小便數以上虛不能制下故也此為肺中冷必眩多涎垂用炙甘草乾薑此屬寒也肺痿吐涎多心中溫液者用炙甘草湯此補虛勞也亦與補陰虛火熱不同是皆宜分治之故肺痿又有寒熱之異也

精勞傷血氣滕理虛而風邪乘之內盛於肺也則汗出惡風咳嗽短氣鼻塞項強胃腸脹滿久久不瘥已

成肺痿也 **保肺癰者**由食啖辛熱炙煇或酣飲熱

酒燥熱傷肺所致治之宜早

